

Informacion në lidhje me projektet me financim nga donatorë të huaj dhe bashkëfinancim nga Qeveria Shqiptare.

Titulli i projektit: “Projekt i Shërbimeve Mjedisore”.

Financuesi: IBRD,GEF,SIDA,MM
Kosto totale: 16,815 Mil Euro
Kohëzgjatja: Janar 2015-Dhjetor 2019

Objektivi i projektit të Shërbimeve Mjedisore (ESP) është të mbështesë praktikën e qëndrueshme të menaxhimit të tokës dhe rritja e përfitimeve monetare dhe jo-monetare për komunitetet në zona të caktuara të Projektit, të cilat shtrihen kryesisht në zonat të ngritura rurale të prekshme nga erozioni.

Komponentët e Projektit:

1. Inventarizimi i Pyjeve dhe Kullotave Komunalë;
2. Regjistrimi i Pyjeve dhe Kullotave Komunalë;
3. Sistemi i Informacionit, si dhe;
4. Prezantimi i Konceptit të pagesës për Shërbimet Mjedisore.

Titulli i projektit: “Fisha sektoriale për mjedisin dhe ndryshimet klimatike”- IPA 2013

Financuesi: Bashkimi Evropian, MM
Kosto totale: 8,8 milion Euro
Kohëzgjatja: 2015-2017

Objektivi i projektit është: Për të zhvilluar një mjedis më të pastër dhe më të sigurt për qytetarët në Shqipëri dhe për zbutjen e ndryshimeve klimatike.

Objektivat specifike të zonave të identifikuara për mbështetjen e IPA në sektorët e Mjedisit dhe ndryshimeve klimatike janë:

1. Ndryshimet klimatike dhe mjedisi

Përmbushja e kërkesave të rregullores UNFCCC dhe ndryshimeve klimatike të BE-së, si dhe për përafrimin e legjislacionit shqiptar me *acquis* përkatëse të BE-së për mjedisin (2,2 MI Euro)

2. Mbrojtja e natyrës

Për të forcuar mbrojtjen e biodiversitetit përmes krijimit të zonave të mbrojtura (4,4 MI Euro)

3. Menaxhimi i mbetjeve

Për të përgatitur Shqipërinë për ripërdorimin, riciklimin, rikuperimin dhe asgjësimin e mbetjeve si një lëvizje strategjike drejt zhvillimit të qëndrueshëm. (2,2 MI Euro)

Titulli i projektit: “Harmonizimi i Planit Kombëtar për të luftuar Shkretëtirëzimin dhe raportimi për Konventën”

Financuesi: GEF,MM
Kosto totale: 160,000 USD
Kohëzgjatja: Mars 2014- Gusht 2015

Objektivi i projektit është që Brenda kuadrit kohor të paracaktuar për të, Shqipëria të ketë një Plan Kombëtar (NAP) i cili duhet të jetë në linjë me Konventën e Kombeve të Bashkuara për Luftën ndaj Shkretëtirizimit (UNCCD) dhe Strategjinë 10-vjecare të raportimit të kësaj Konvente, nëpërmjet asistences teknike të nevojshme për përgatitjen e këtij Plani Kombëtar.

Komponentët e Projektit:

- CS-1 Stocktaking dhe ndërgjegjësimi,
- CS-2 “Forcimi i kapaciteteve njerëzore dhe shkencore për harmonizimin e Planit Kombëtar të Veprimit (PKV)”.
- CS-3: Ngritja dhe forcimi i politikave dhe kuadri institucional për harmonizimin e PKV dhe zbatimin.
- CS-4: Ngritja e kuadrit financiar dhe teknologjik për zbatimin e PKV.
- CS-5: Procesi i raportimit dhe i rishikimit.

Titulli i projektit: “Rishikimi dhe Përditësimi i Planit Kombëtar të Veprimit për Konventën e Stokholmit, mbi Ndotësit Organik të Qëndrueshëm (NOQ) në Shqipëri”

Financuesi: UNEP, GEF,MM
Kosto totale: 406,046 USD
Kohëzgjatja: Qershor 2014-Maj 2017

Objektivi kryesor: Përbushja e detyrimeve që rrjedhin nga Neni 7, i Konventës, për përditësimin e PKV për NOQ: *“Vendet anëtare duhet të rishikojnë dhe përditësojnë, në mënyrën më të mirë, planin e zbatimit në mënyrë periodike dhe në mënyrën e përcaktuar sipas vendimit të COP”*;

Objektiva të tjerë: Të rrisë kapacitetet mbi përditësimin e PKV në vend, si dhe të forcojë koordinimin institucional në nivel Kombëtar dhe Ndërkombëtar.

Komponentët e projektit janë:

- **Komponenti 1:** Fillimi i procesit të rishikimit dhe përditësimit të Planit Kombëtar të Veprimit;
- **Komponenti 2:** Vlerësimi i infrastrukturës dhe kapaciteteve kombëtare për menaxhimin e të gjitha NOQ, përgatitjen e inventareve të NOQ të rinj dhe rishikimi i inventarëve fillestare të NOQ dhe monitorimi i ndikimit të NOQ në shëndet dhe mjedis;
- **Komponenti 3:** Përgatitja e Masave të Veprimit për NOQ e rinj dhe përditësimi i Masave të veprimit për 12 NOQ e para, përfshirë analizën e boshllëqeve;
- **Komponenti 4:** Përgatitja e PKV të rishikuar dhe përditësuar me masat shoqëruese të veprimit për 23 NOQ;
- **Komponenti 5:** Dorëzimi i PKV në Sekretariatit e Konventës.

Titulli i projektit: “Mbështetja e reduktimit të mbetjeve dhe promovimi i konceptit 3R në Republikën e Shqipërisë”

Financuesi: JICA
Kosto totale: 1,574,000 Euro
Kohëzgjatja: 2014- 2017

Objektivi i përgjithshëm i këtij projekti është që korniza 3R të hyjë në menaxhimin e qëndrueshëm të mbetjeve të ngurta për pushtetin vendor në Shqipëri për reduktimin e mbeturinave, si një përpjekje mbarëkombëtare.

Qëllimi i projektit është që kapacitetet e Ministrisë së Mjedisit të forcohen në kuptim të zhvillimit të politikës 3R si dhe të ofrimit të mbështetjes për qeveritë lokale për të zbatuar *Strategjinë Kombëtare të Menaxhimit të Mbetjeve* dhe *Planin Veprues* në Shqipëri.

Titulli i projektit: “Ruajtja dhe Përdorimi i Qëndrueshëm i Biodiversitetit në Liqenet e Prespës, Ohrit dhe Shkodrës (Plan Rajonal për Shqipërinë Maqedoninë dhe Malin e Zi) ”

Financuesi: GIZ Gjerman;
Kosto totale: 2 Mln Euro.
Kohëzgjatja: 2014 – 2017.

Objektivi i përgjithshëm është: Përmirësimi i zbatimit të legjislacionit, rregulloreve dhe planeve të menaxhimit për konservimin dhe përdorimin e qëndrueshëm të biodiversitetit në liqenet e Prespës, Ohrit dhe Shkodrës në përputhje me objektivat e mbrojtjes së mjedisit dhe të biodiversitetit të BE-së. Fokusi kryesor i masave janë aktivitetet e menaxhimit të burimeve ujore dhe peshkimit të qëndrueshëm, ndërsa ruajtja e shumëllojshmërisë biologjike është themeluar kryesisht si një çështje ndërsektoriale.

Projekti do të përfshijë 4 fusha kryesore:

1. Bashkëpunimin Transnacional;
2. Ruajtjen e biodiversitetit;
3. Peshkimin e Qëndrueshëm dhe
4. Menaxhimit e Burimeve Ujore.

Titulli i projektit: “Drejt qeverisjes së sforcuar të trashëgimisë së përbashkët natyrore dhe kulturore ndërkufitare të rajonit të liqenit të Ohrit”

Financuesi: Bashkimi Evropian,MM
Kosto totale: 1,870,000 Euro
Kohëzgjatja: 2014-2017

Objektivi i projektit është: Të përforcojë strukturat e menaxhimit të rajonit ndërkufitar të liqenit të Ohrit në funksion të një njohje të mundshme të gjithë zonës kulturore dhe natyrore të Liqenit, si pronë të Trashëgimisë Botërore.

Projekti ka tre komponentë si më poshtë:

- (i)** Forcimin e platformës së bashkëpunimit ndërkufitar për Liqenin e Ohrit dhe rritjen e mundësive për turizëm;
- (ii)** Zbatimin e fushatës për mbetjet përmes aktiviteteve pilot;
- (iii)** Njohjen e procesit për të gjithë zonën e Liqenit si pronë e Trashëgimisë Botërore.

Titulli i projektit: “Ndërtimi i Portit të Peshkimit Durrës”

Financuesi: Banka Islamike
Kosto totale: 21.8 Mln USD.
Kohëzgjatja: 2008 – 2015.

Objektivi kryesor i projektit është ndërtimi dhe ripozicionimi i portit të peshkimit, i një korridori transporti të sigurt, të vazhdueshëm, eficient dhe konform standarteve të projektimit European dhe Ndërkombëtar. Synimi kryesor është largimi i gjithë pengesave që ndikojnë në rrjedhshmerinë e trafikut përgjatë rrugës. Kjo nënkupton port modern, të mirëpajisur dhe që mund të trajtojë me efikasitet gjithë llojet e ngarkesave duke përfshirë dhe trafikun e konteniereve.

Aktivitetet kryesore të projektit janë:

1. Ndërtimi i mjediseve të portit, ku përfshihen ndërtimi i rrugës kryesore në port, bonifikimi i tokës në qendër të pengesës dallgëprirëse, ndërtimi i bankinës, i tre pontilave ankoruespengesave dallgëprirëse, etj.
2. Shërbime konsulence.

Titulli i Projektit: “Parku Biosferik Ndërkufitar i Prespës – Mbështetje PK Prespa Shqipëri”

Financuesi: Qeveria Gjermane, Banka KfW,MM
Kosto totale: 3,830.000 MI Euro
Kohëzgjatja: 2011 - 2015

Objektivi kryesor i këtij projekti është të kontribuojë në mbrojtjen dhe zhvillimin e qëndrueshëm të mjedisit në kontekstin ndërkufitar të tre shteteve (Shqipëri, Greqi, Maqedoni) me pjesëmarrjen e të gjithë të interesuarve. "Mbështetja për Parkun Kombëtar të Prespës", është e rëndësishme në dy aspekte: (i) në reduktimin e presionet të tanishëm dhe të ardhshëm të Ekosistemit të Parkut dhe (ii) në uljen e varfërisë të popullsisë brenda kufijve të Parkut Kombëtar të Prespës.

Komponentët e projektit janë:

1. Forcimin i administratës së Parkut Kombëtar të Prespës;
2. Përgatitja e planit të menaxhimit me pjesëmarrje dhe integrimi planeve të përdorimit të tokës
3. Zbatimi i planit të integruar të menaxhimit dhe masave mbështetëse për komunitetin
4. Lehtësimi i integritit të parkut në një zonë ndërkufitare konservimi;

Titulli i projektit: “Transformimi i tregut dhe fuqizimi i inisiatives për përdorimin e paneleve diellore për ujë të ngrohtë në Shqipëri”.

Financuesi: GEF/UNDP/ METE/ MM.

Kosto totale: 2,105,000 USD;

Kohëzgjatja: 2010 -2015.

Objektivi kryesor i këtij projekti është përkrahja dhe miratimi i energjisë diellore si një nga burimet më të fuqishme të energjive të rinovueshme në Shqipëri, nëpërmjet mënjimit të pengesave dhe reduktimit të kostos së zbatimit.

Aktivitetet kryesore të projektit janë:

1. Krijimi i një kuadri ligjor, rregullator dhe institucional për të promovuar një treg të qëndrueshëm për panele diellore për ujë të ngrohtë (**Solar Water Heating/SWH**);
2. Rritja e ndërgjegjësimit dhe e kapaciteteve të përdoruesve fundor dhe furnizuesve për SWH;
3. Rritje e kërkesës për SWH përmes aplikimit të një mekanizmi të përshtatshëm financiar dhe modele të tjera të tilla si SESCO;
4. Aplikimi i një skeme të përshtatshme për Shqipërinë për certifikimin dhe kontrollin e paneleve diellore SWH dhe rritja e ndërgjegjësimit të furnizuesve të këtyre sistemeve me qëllim promovimin e një tregu të qëndrueshëm të SWH.

Titulli i projektit: “Përmirësimi i mbulimit dhe efikasitetit të menaxhimit të zonave të mbrojtura detare dhe bregdetare”

Financuesi: GEF/UNDP,MM

Kosto totale: 2,927,500 USD;

Kohëzgjatja: 2011 - 2016.

Objektivi kryesor i këtij projekti është të përmirësojë efektivitetin e mbulimit dhe menaxhimit të rrjetit të Shqipërisë për zonat e mbrojtura detare dhe bregdetare, si një aspekt plotësues thelbësor për rrjetin e zonave të mbrojtura tokësore.

Komponentët e projektit janë:

1. Përmirësimi i përfaqësimit bio-gjeografik i Zonave të Mbrojtura Detare dhe Bregdetare (ZMDB), dhe
2. Përmirësimi i menaxhimit të ZMDB duke qartësuar kuadrin institucional si dhe ngritjen e kapaciteteve.

Aktivitetet e projektit janë:

- 1 Hartimi i Strategjisë së Planit të Veprimit për Zonat e Mbrojtura Detare (PSZMDBS); e cila është pjesë e Strategjisë së përditësuar të Biodiversitetit
- 2 Fushatat e informimit, komunikimit dhe ndërgjegjësimit për rëndësinë e vlerave dhe nevojave për mbrojtjen e ZMDB në Shqipëri.

Titulli i projektit: “Komunikimi i tretë Kombëtar”

Financuesi: GEF,MM
Kosto totale: 480, 000 USD
Kohëzgjatja: 2012 – 2015.

Objektivi kryesor i projektit është përditësimi vjetor i Inventarit të Gazeve serë antropogjene për periudhën 2000 -2005, e cila do të përdoret për të zhvilluar një Strategji kombëtare për uljen e karbonit.

Projekti ka pesë komponentë:

1. Vlerësimin e rrethanave kombëtare dhe masat e marra për të zbatuar KKKBNK në Shqipëri;
2. Inventarin kombëtar për gazet serë për periudhën 2000 -2005;
3. Ndryshimet klimatike dhe vlerësimi i preksshmërisë;
4. Analizat për zbutjen e gazeve serë;
5. Publikimin dhe pormovimin i Komunikimit të tretë kombëtar të përgatitur.

Titulli i projektit: “Ndërtimi i kapaciteteve për zbatimin e kuadrit kombëtar për Biosigurinë në Shqipëri”

Financuesi: UNEP/ GEF
Kosto totale: 863,800 USD
Kohëzgjatja: 2011 -2015.

Objektivi kryesor i këtij është të kompletojë zhvillimin dhe përgatitjen për zbatim të Kuadrit Kombëtar për Biosigurinë, në linjë me prioritetet kombëtare dhe detyrimet e Protokollit të Kartagjenës për Biosigurinë.

Aktivitetet kryesore të projektit janë:

1. Përgatitja e legjislacionit sekondar;
2. Caktimi i Autoritetit Kompetent Kombëtar për OMGJ-të dhe të Këshillit Kombëtar të Biosigurisë;
3. Ngritjen e laboratorit për OMGJ-të si dhe ndihmesën për pajisjen dhe çertifikimin e tij;
4. Vendosjen e mekanizmit për monitorimin sektorial;
5. Ndërgjegjësimin e publikut nëpërmjet zhvillimit të workshopeve trajnuese dhe sensibilizuese;
6. Aktivitete që do të mundësojnë përmirësimin e pjesëmarrjes së publikut në vendim-marrjen për biosigurinë.

Titulli i Projektit: “Mbrojtja dhe përmirësimi i menaxhimit të integruar të mjedisit detar dhe ndërkufitar të burimeve natyrore - ECOSEA”.

Fiancuesi: Bashkimi Evropian- IPA Adriatic,MM
Kosto totale projekti: 3.757.555,00 €
Kosto totale- Shqipëria: 250.470,00 €.
Kohëzgjatja: 2012 - 2015.

Objektivi kryesor i projektit është të promovojë përmirësimin e ekosistemeve detare dhe bregdetare duke propozuar modele për një menaxhim të koordinuar të peshkimit, me aktivitete direkte për të përmirësuar qëndrueshmërinë e peshkimit dhe forcimin e biodiversitetit detar. Ky projekt ka 9 partnerë, respektivisht 6 rajone italiane, 2 kroate dhe Ministrinë e Mjedisit.

Ndërkohë, në kuadër të aktiviteteve të projektit, çdo partner punon për Paketën e Punës, për të cilën janë lider për detajimin e planit të aktiviteteve. Ministria e Mjedisit e Shqipërisë është lider për paketën e punës për: **(I)** Forcimin e ekosistemeve dhe biodiversitetit të detit Adriatik;

Titulli i projektit: “Burimet Ujore dhe Ujitja”

Fiancuesi: Banka Botërore, MM
Kosto totale: 4,181,000 Euro.
Kohëzgjatja: 2013 – 2018.

Objektivi kryesor i këtij projekti është që të përcaktojë kuadrin strategjik për menaxhimin e burimeve ujore në nivelin kombëtar dhe në nivelin e baseneve të Lumit Drin – Buna dhe Seman. Gjithashtu do të përmiresojë në mënyrë të qëndrueshme, performancën e Sistemeve të Përzgjedhura të Ujitjes.

Komponentët kryesore të projektit janë:

1. Mbështetja Institucionale për Menaxhimin e Integruar të Burimeve Ujore;
2. Përgatitja e Planeve të Menaxhimit të Basenit të Lumit;
3. Mbështetje për krijimin e Baze të Dhënash të Burimeve të Ujit.

Titulli i projektit: “Ruajtja dhe Përdorimi i Biodiversitetit në zonat rurale në Shqipëri”

Financuesi: GIZ Gjerman;

Kosto totale: 2 Mln Euro.

Kohëzgjatja: 2012 – 2015.

Objektivi i përgjithshëm është: Përmirësimi dhe zbatimi i koncepteve për ruajtjen dhe përdorimin e qëndrueshëm të biodiversitetit, duke përfshirë agro-diversitetin, në Alpet Shqiptare".

Projekti synon këto aktivitete:

1. Zbatimin e Strategjisë Kombëtare të Biodiversitetit dhe Planit të Veprimit, si dhe strategjive e planeve të tjera kombëtare për biodiversitetin dhe zhvillimin rural.
2. Ngritjen e një sistemi monitorimi të biodiversitetit.
3. Përmirësimin e menaxhimit të zonave të mbrojtura.
4. Krijimi e një sistemi të zonave të mbrojtura në Alpet shqiptare dhe një sistemi menaxhimi të këtyre zonave.
5. Zhvillimi i strategjive për përdorimin e qëndrueshëm të biodiversitetit.
6. Nxitjen e sistemeve të prodhimit bujqësor që janë miqësore me biodiversitetin dhe zhvillimin e qëndrueshëm te pyjeve.
7. Zhvillimin e qendrueshem të agro-diversitetit.
8. Zhvillimin e eko-standardeve për produktet bujqësore dhe pyjore.
9. Zhvillimin e zinxhirit të vlerave për produkteve bujqësore miqësore me biodiversitetin, të bimëve të egra (mjeksore), prodhimeve drunore dhe jo drunore në mënyrë që të përmirësohen të ardhurat e popullatës lokale, në mënyrë të qëndrueshme.

Titulli i projektit: “Adaptimi ndaj Ndryshimeve Klimatike në Ballkanin Perëndimor (CCAwb)”.

Financuesi: Ministria Federale për Bashkëpunim Ekonomik dhe Zhvillim BMZ
Kosto totale: 3,5 milion Euro
Kohëzgjatja: Janar 2012 – Dhjetor 2018

Objektivi kryesor i këtij projekti është të mbështesë pesë vendet perkatësisht Shqipërinë, Maqedoninë, Malin e Zi, Kosovën dhe Serbinë në pesë komponentë të përcaktuara në zhvillimin e kapaciteteve, shërbimeve këshillimore dhe prokurim pajisjesh.

Komponentët e projektit janë:

1. Ngritja e një sistemi rajonal për parashikimin e hershëm të përmbytjeve në basenin e Drinit;
2. Hartimi i strategjive kombëtare për përshtatjen ndaj ndryshimeve klimatike;
3. Formulimi dhe zbatimi i planeve të menaxhimit të përmbytjeve dhe thatësirave në nivel komunash;
4. Bashkëpunim rajonal për menaxhimin e burimeve të integruara të ujit (IWRM)
5. Integrimi i strategjive për përshtatjen ndaj ndryshimeve klimatike në planifikimin urban.